

Q. D. B. V.

DISPUTATIO MEDICA

De

PURGANTIBUS RITE ADHIBENDIS,

Quam

Consensu & Autoritate Gratosissimæ Facultatis
Medicæ in Illustri Salana,

PRÆSIDE

*Viro Nobilissimo, Amplissimo, Excellentissimo
atque Experientissimo,*

DN. GEORGIO WOLFF-
GANGO WEDELIO,

Medic. Doct. ac Theoretices Profess. Publ. celeberrimo,
Medico Ducali Saxon. fidelissimo, S. R. I. Acad.
Natur. Curios. Collegâ primario,

*Dno Præceptore, Patrono, Promotore atque
Evergetâ summâ pietate devenerando,
Publico eruditorum examini submittit*

RESPONDENS

DAVID DE FOUR Hanovienf.

Ad diem

Decembr. Anno M DC LXXV.

H. L. C.

J E N Æ,

TYPIS SAMUELIS KREBSI.

THE HISTORY OF THE

PROVINCE OF GEORGIA

IN THE YEAR 1733

BY JAMES OGLETHORPE

IN TWO VOLUMES

LONDON

Printed by J. DODD, in Pall-mall

1733

Printed by J. DODD, in Pall-mall

1733

Printed by J. DODD, in Pall-mall

1733

Printed by J. DODD, in Pall-mall



PROOEMIUM.



Tumultum obortum vel rebellionem facile est coërcere, si caput ejus seu fax & tuba, ut dici solet, tollatur è medio; In microcosmo si rebelles humores, quasvis turbas in singulis culinis viscerum excitantes, sustuleris, pacata omnia in torulis suis commeant.

Illic non solæ persuasiones, blanditiæ vel poppismi valent, noxium ense rescindendum est, ne pars sincera trahatur. Hic non sola alterantia rem absolvere norunt, sed evacuandum sæpe est, ut parte exhaustâ noxiâ potiori debellari reliqua magis queant.

Non rarò aluntur tumultus negligentia, non rarò irritantur magis animi strictâ coërcendi potentia. In corpore nostro negligere latitantes erroneas, vel crabrones quasi irritare non consultum. Utrobique prudentia opus est, ut in republicâ pax sit & quies. Digna itaque consideratione rati sumus, & in proscenium adducere, quæ circa adhibitionem purgantium felicem observanda sint, quæ omittenda; Hæc ut benè eveniant, Deum oramus.

CAPUT I.

De Indicantibus purgationem.



Non levis res est, movere alvum. Tonsor, agyrta, anus fortissimum purgans exhibere norunt, sed quomodo, quando, quibus, hoc opus, hic labor est, unde

Veronæ olim in publico foro suspensa fuit tabula, elenchum medicorum istorum continens, quibus solis autoritate magistratus liceret purgans præscribere.

Latissimâ significatione purgantia sive καθαρῦνα audiunt, quæcunque humores è corpore educunt, seu universalia, seu particularia, v.g. per alvum, vomitum, □am, sudores, uterum, nares, per diuretica, diaphoretica, emmenagoga, er-rhina, &c. unde & apud Hippocr. κενώσεως vox quàm latissimè patet, & pro ipsa etiam V. S. accipitur.

Latè pro eo, quod per alvum & vomitum ἀνω καὶ κάτω solum evacuat, cum intestina & ventriculus sint causæ sociæ. *Strictè* verò, quod tantum per alvum humores educit, sive leniendo tantum & lubricando, seu, quæ propria est significatio, irritando magis vel minus id præstet.

INDICANS purgantis est uno verbo CACOCHYMIA, sive humores, iique non boni, sed vitiosi, sive cacochymici, hinc sanguis ipse per remedia, si qua dantur, non evacuan-dus est; hinc ubicunque boni & laudabiles etiam succi edu-cuntur, ut in hypercatharsi, sistendi sunt; Hinc humores hi à Galeno dicuntur qualitate peccantes 1. aph. com. 2. ubi purga-tionem definit, καὶ ἰατρὸς, αἶτ, ὅτι κενώσεως τῆ κατὰ ποιότητά μοχθηρῶν χυμῶν, purgatio est evacuatio humorum qualitate peccantium.

Per qualitates intelliguntur tum primæ, tum secundæ, quando scil. humores isti peccant caliditate, frigiditate vel intemperie quacunque, quæ neque arte, neque natura cor-rigi potest & ad bonam frugem reduci, sive sint excrementitii naturales, humor pancreaticus, biliosus, vel abundantes, vel alienam qualitatem induentes; sive præternaturales, biliosi, pituitosi, serosi, melancholici & atrabilarii, quod usitato no-mine vocant cacochymiam, quæ verum & genuinum est purgationis indicans.

Hæc si in primis viis hæreat, indicat purgantia leniora, seu solum emollientia, & ἐκκοπῶν καὶ magis; si ultra primam regionem, validiora eaque propriè ita dicta; si in remotiori-bus partibus, validissima.

Notandum verò est, quod cacochymia sit abundantia humo-

humorum vitiosorum, adeoque licet hi humores vitiosi in quacunque etiam quantitate adsint, præternaturales suo modo sint, attamen tunc demum indicat purgationem, quando simul copiâ peccat.

Hinc evacuatio superfluitatum, quæ fit per purgantia, valdè indigentibus & ex longo tempore utilis est (locus est *Galen*i apud *Hoffm.* in *M.O.p. 9.*) earum verò quæ quotidie generantur in corpore, minor est medicamento efficaciam; quod si, addit, voluerit quispiam bis in mense vacuatione uti, veritus, ne excrementorum multitudo cumuletur, præter id, quod nocebit, trahet corpus in malum habitum.

Quantum verò peccare possint humores pituitosi, biliosi, serosi &c. & in quam variis morbis occurrant, notissimum est; & in vastum elaberemur campum, si eadem vitia & producta cacochymia recensere velimus. In synopsi v.g. *pituita* abundans & putrescens producit inappetentiam, dolorem gravativum, febres intermittentes, maximè quotidianas, obstructions valorum lacteorum, & alia. Et inter alia sanè humorum pituitosorum repletio, ut & vitia infimi ventris, alvi pigrities & similia purgationem in primis indicant. *Bilis* morbos calidos, tertianam, scabiem, pruritem, dysenteriam, nimios menses & hæmorrhoidum fluxus. *Melancholia* obstructions viscerum, quartanam, scorbutum, icterum &c. *Serosi* tumores, vitia cutanea.

Singula verò hæc non abstractivè sunt intelligenda, sed cum *anergon* suis & energiis, hinc optimè illi faciunt, qui nec solis hisce humoribus, ut talibus, immorantur & intenti sunt, ut veteres *Galenici*, nec tantum principia Θ ina, Ψ lia, Δ ea, uti *Chimici* substituunt, sed utraque jungunt. Reverà enim admittendi sunt humores, sed simul principia Θ ina & Δ ea in iis restagnantia. Præterea, Θ ia lixiva, Θ ta, Θ sa, Onosa & volatilia Θ li*co affinia, sæpè Δ eis partibus mixta manifestè apparent in arthritide, scorbuto, scabie, cancro &c. Imò interdum & vomitus acido, pontico, Θ to, Θ so sapore præditi in praxi occurrunt.

Quando ergo Medicus talia in corpore deprehendit indicant-

dicantia, purgante opus esse facile invenit & ratiocinatur. Neque obstat, quod *Helmontius* infamiae notam purgantibus non levem affricare satagit, cum *libro de potest. med. n. 33. in dispens. n. 38.* & alibi, ea venena vocat, quæ habitum corporis vertunt in putrilaginem, neque solum *δρακινά*, scammoni-um, colocynthidem, euphorbium, elaterium, esulam, quæ manifestè venena vocat *dispens. l. c.* sed etiam in aloë, rhabar-baro, senâ, agarico, imò in ipsâ mannâ mitigata, adeoque im-posturæ minus obvia venena latitare asserit.

Alia etiam speciosa argumenta *l. de febb.* & exempla quoque *l. c.* adducit, verum ne longius his immoremur, abu-sus non tollit usum. Verum est illud *Galen*i, nihil tam magni-ficè prodest, quod non aliquâ ex parte noceat, & juxta vul-gatum illud: *Φάρανα λύντ Φαγννά*, depopulantur ali-quid de calido innato. Verum si vitiosa abundet congeries humorum, seu cacochymia, utique conveniunt. Sint etiam quædam noxia vehementia, illa corrigenda, &, ut omnia, providè & cautè solum adhibenda sunt.

Curare quidam volunt solum præcipitantibus, quæ differunt à purgantibus in hoc, quod præcipitent materi-am bonam cum malâ. Hinc observatum est sæpius, post pulveres præcipitantes, vitiosis humoribus in corpore co-piosis existentibus, neque prius eductis, successisse febrem ardentem, ab opiatis noxam, &c. ideoque rectè *B. Schenck. tr. de humor. c. 25. p. 163.* Purgantia, scribit, optima esse præcipitan-tia, quæ & segregant, fundunt, præcipitant, & educunt unâ vitiosam materiam. Verum est, fermentatio *ἡ δὲ Φύσις* inhi-benda & sistenda, καὶ Φύσις juvanda & promovenda, sed nisi tollatur sæpè superfluum peccans, vix feliciter obtinemus fi-nem. Ut igitur V. S. non carere possumus omninò in ple-thorâ, ita nec purgantibus in cacochymiâ.

Notandum hoc loco est curiosum assertum de indica-tione seu intentione purgantium secundariâ; uti enim *pri-maria* est evacuare, ita *secundaria* est reliquorum medicamen-torum vim incidendi suâ vi juvare, quam in rem elegantissi-mus extat locus apud *Martianum*, *comm. in l. 2. de morb. f. 2. vers.*

214. p. 176. purgantia, ait, sæpe aliis adduntur medicamentis, non ut purgent, sed ut aliorum medicamentorum virtus attenuans intendatur, quod probat ex *Hippocrate*, medicamenta enim hæc, addit, (ut longo experimento mihi notum est, si in minori quantitate, quam pro purgatione usurpari solent, aperientibus medicamentis permisceantur, ita ut virtus aperientium prævaleat, nullo modo alvum movent, imò eorum virtus, quia maximæ est activitatis, ad vias sudoris, aut urinæ aperientium facultate conversâ, horum vim adeò intendit, ut medicamentum evadat, tum ad aperiendum, tum ad sudorem aut urinam movendam efficacissimum.

Exempla talismodi purgantium usus inprimis videre licet apud *Gesnerum* in epistolis, ubi helleborata medicamenta aliis, inprimis aperientibus & pectoralibus addit. Sic & ubi per *ἰνέγων* purgandum est, permiscantur cum alterantibus optimo cum consilio. Valet v.g. id magis in infusis, decoctis, sirupis compositis, & tis, quàm pulveribus. Exemplum huius rei quoque apparet in topicis auricalibus.

CAPUT II.

Permittentia & prohibentia

purgationem scrutatur.

Permittentia purgantium maxime consideranda sunt, & quidem i. *robur naturæ*, sive vires totius; ubi enim depauperatæ sunt eadem, vel omittenda sunt eadem, vel lenientibus tantum res expedienda; absurdum enim foret debili naturæ & afflictæ adhuc majorem addere afflictionem, undè etiam, quod *Plato* scribit, magni auxilii purgationem à viro sanæ mentis suscipiendam non esse, nisi summâ urgente necessitate, id longè potius ad virium qualitatem & dispositionem referimus. Hinc etiam convalescentes à morbo, puerperæ, & aliæ debiles personæ non temerè purgandæ fortius.

Neque etiam solum præsentæ spectandæ sunt vires, quod de V.S. quoque valere suo loco diximus, sed & futuræ, unde sapiens observavimus à purgantibus fortioribus tabem, atro-

atrophiam, debilitatem, imò ipsius phthiseos metum ortum, aggrè fugabilem.

2. *Robur ventriculi.* Qui intestina habent sicca, & stomachum robustum ac fortem, non facile moventur, sed fortioribus egent; qui verò debiliori gaudent, &, si loqui ita licet, ferè papyraceo, qui facile à quovis difficiliore coctionis læduntur, vel minimo egent. Et ut illi instar struthionum omnia quasi purgantia innoxie devorant; ita hi infantibus contra levius sunt aggrediendi, & hinc est quod Saxones & Westphali, gregarii item, mechanici & qui fortius laborant, difficulter sunt mobiles, quia victui sunt adsueta duriori, & consequenter etiam stomacho robustiori gaudent, tum etiam quia laboribus humores absumuntur. *Meissner. tr. de febb. & Highmor.* id referunt ad asperitatem tunice intestinorum, quod quidam tam duriter mobiles sunt purgantibus, & id rectè quidem, robur enim ventriculi tum temperie, tum iusta conformatione & structurâ gaudet.

3. *Ætas.* Sunt equidem, qui infantibus vix audent dare purgantia ob teneritatem & debilitatem corporis, unde & *Hippocrates* & alii præcipiunt, nutrici dandum esse purgans, si infans purgandus, vel capræ devorandas præbent herbas purgantes & lac postmodum propinant. Verum uti non negandum est, hoc modo purgari infantes, communicatâ purgandi efficaciam cum chylo, sanguine & consequenter lacte, ut & quidam per coitum purgandi vim cum aliis communicasse leguntur. vid. *Platerum*; Ita observavimus in praxi, 1. quod infantes etiam 2. 3. dierum commodissimè ferant purgantia mitiora, v.g. mechoacannam & galapium, expurgatur inde meconium, pituita item conglobata & viscida, ex lactis caseatione v.g. resultans, tormina ipsis sæpè exhibens immania, 2. quod infantes, proportionem ad alias ætates habitâ & respectivè fortiori egeant dosi, quia calidum ipsorum est robustius, & humiditate copiosâ & eâ quidem miti ac blandâ, quâ pollent, purgandi & irritandi vis ferè obtunditur & diluitur. 3. vidimus cum miraculo quasi, quod assumpto purgante tali, resinoso v.g. conquieverint iidem & obdormiverint sæpè non aliter,

aliter, ac si opiatum sumfissent, etiam prius, quam ipsum operatum fuerit per sedes, quod ipsum quoque quandoque à cinabarinis notavimus. Hinc adeò lubentius exhibemus purgans, sed proportionatum ipsi infanti, quàm nutrici, sæpè enim non nisi refractè operatur.

Senes bis pueri sunt, ut quoad vires, ita etiam quoad purgantia, præcipuè cum abundant excrementitiâ, serosâ, acri humiditate: cautius tamen, nec sæpius & infantes & senes tractandi. Illi, quia exsiccando humiditatem huic ætati debitam auferunt purgantia frequentius adhibita, & consequenter nutritionis & accretionis operam impediunt; hi, quia facile exsolvuntur & absumpto itidem quod restat roscidi humidi, citius ad tumulum promoventur. *Media verò ætas*, relata scil. ad alias, melius eadem tolerat, nam ad individuum relatione factâ, sæpè ad infantis instar tractandi sunt quidam.

4. *Temperamentum* quod attinet, duo notanda: (1.) *dependet agendi purgantium vis*, præter ventriculi dispositionem, à *seri in corpore præsentia & quantitate majori vel minori*, hoc quippe fluxile est, & actuat tum alia, tum hæc medicamenta, estque vehiculum ut alimenti, ita & medicamenti. Hinc humidior & laxior ventriculus & intestina facilius irritantur; Hinc qui excrementitii, acris & serosis præsertim, humoribus abundant, levi stimulo etiam concitantur, habent enim jam stimulum irritantem salinum secum.

Hinc patet, cur hypochondriaci in hoc ad utrumque extremum declinent, vel enim adstrictâ gaudent alvo & immorigerâ, purgantibus non faciliè mobili, non tam ob acidum solùm, quàm ob ficcitatem sive actu, sive potentiâ talem, verbo, serum minus abundans, unde humectantia potius, quàm fortiora pellentia & irritantia danda, neque sine illis tunc facilis sequitur effectus; vel facillimè omnium moventur, si citra ficcitatem humido gaudeant magis, salino stimulo acuato. Unde novimus quosdam extremè hypochondriacos, qui à gr. vj. gialapii plus moventur, quam alii à 3j. seu qui tam levi egent purgante, quantum vel infans.

2. *Omnia purgantia calida sunt*, hinc ficcioribus minus conveniunt,

veniunt, nisi humectantia; hinc læduntur hi maximè à purgantibus fortioribus, ablato sero, ultra quàm ferre possit natura; hinc sicciores qui sunt, nec fortissimis sæpè moventur, quæ ideò & frustra illis dantur, nisi humectantia admisceantur, & dato frustra uno, frustra sæpè superingeritur, ut clavus clavo, alterum.

Referenda huc etiam est *ἰδιουγρηγσία* quorundam, ceu observarunt autores, ab odore rosæ, à solo aspectu assumptorum purgantium, & aliis alvum copiosè solutam. Observatum etiam est, nobilem Romanum ab assumpto fir. rosar. solut. eodem die obiisse, & *Scaliger* refert, Mediolani familiam quandam cassiæ haustu periisse.

5. *Habitus corporis* ergò cur carnosus & succiplenus ut plurimum optimè ferat purgantia, & eo gaudentes facillimè moveantur, ex dictis jam patet. Graciles verò cum ficci sint, difficilius ea ferunt; pollent enim hi acrimoniâ biliosâ, unde purgante exhausto sero, & stimulo addito pejus habent. In habitu ergò corporis gracili, tenui & laxo, humores sunt tennes, spiritusque facile dissipabiles, ac virtus proinde languidior, undè tales cautè purgandi sunt. Etsi enim promptè satis purgantur, tamen ex minimâ causâ facile extenuantur, & rarefiunt magis, quamobrem facile in hoc peccant medici. Hinc qui rarioris texturæ sunt, lenissimè purgandi.

Ευαγεροι verò facile quidem, ut diximus, purgantur, & benè id ferunt; qui tamen valdè pingui sunt corpore, cum frigidiores sint, spiritus pauciores & torpidiores habeant, vasa item angusta, difficilius quandoque purgantur, ut plurimum tamen facillimè.

6. Pertinet huc quoque *consuetudo*, cui etiam hîc aliquid condonandum. Etsi enim in iis, qui nunquam purgati sunt, ideò purgatione abstinendum non sit, cautius tamen purgantia iis adhibenda sunt, & circumspectius. Audaciùs verò eos tractare licet, qui purgationibus adsueti sunt. Observanda etiam est naturarum proprietas, præcipuè in materia medicamenti eligendâ. Alii enim à mitioribus etiam medicamentis facillimè & copiosissimè purgantur, alios verò fortiora vix movent.

movent. Sic aliqui planè nonnullas purgationis materias averfantur, hic pilulas, alter pulveres, tertius potiones, alias verò facillimè ferunt.

Quidam penitus abhorrent ab omni pharmaco, ceu refert *Salmuth*, feminam quandam, quoties purgari vellet, pilulas ancillæ deglutiendas dedisse, unde ipsa nihilominus, quod solùm aspiceret, fortiter purgata fuerit. Cautius etiam ea, temperamenta sunt purganda, qui sæpius diarrhœa vel fluxu alvi alio laborant. Hinc præcipuè medicus non cogat ægrum ad purgans, & si referat, quàm mobilis ille sit, quàm leviter tractandus, testimonium hoc domesticum non aspernetur, turpe enim hinc ut Imperatori, ita etiam Medico est dicere: **NON PUTARAM.**

7. Etiam memoranda est *humorum sequacitas*, seu dispositio; cocti enim purgari desiderant, intellige morbifici, non crudi. *1. aph. 22.*

Humores scil. hi sunt crudi, vel cocti, vel neutri. *Crudi* sunt, qui nondum à naturâ victi, aut ad optimam, quam quidem recipere possunt, formam deducti, nec per excrementa, v. g. urinam coctionis suæ, *πρωσμεν*, præbent indicia, si urina sit albicans, tenuis &c. Notandum verò, quod crudi hi humores intelligantur maximè, qui ultra primam corporis regionem stabulantur.

Cocti sunt, qui jam per maturationem quandam à natura (coctio enim non est opus morbi, sed naturæ) victi sunt atque domiti, quique vitiosas suas qualitates deposuerunt, mitiores redditi, & ad expulsionem aptiores, separati quippe, & per excrementa coctionis indicia exhibent.

Neutri sunt, qui neque crudi neque cocti perfectè, dispositionem tamen habent, ut trahenti medicamento faciliè obsequantur, sui que notas per urinam exhibent quoque. Valet id maximè de febribus, ubi doctrina de coctione & cruditate in primis attendenda.

Crudi tamen etiam purgandi sunt, dicente *Coo l. c.* si turgeant, id est, si materia planè sit inutilis, aliena à natura sanguinis, quæ non potest subigi, adeoque nullam requirit

præparationem, si qualitati vitiosæ; acri, calidæ & biliosæ; & quantitati abundanti, accedat motus, nihil enim paucum turget.)

Nota tamen (1.) si copiosi adsint humores, etiam crudi, licet non turgeant, non expectata coctione, in principio etiam licet purgare, sed lenientibus tantum, quod vocant minorare, minorativam purgationem.

(2.) Notandi etiam sunt gradus coctionis & cruditatis; si enim cruditas non consistat in extremo, purgare licet, prout coctio vel inchoata solum, vel magis promota, vel perfecta & absoluta est, illo casu lenioribus, hoc fortioribus.

(6.) Hinc, si vires adsint, si urinæ sint nebulosæ & crassæ, si humores vitiosi in ventriculo, intestinis, venis lacteis, mesenterio, aliisque visceribus jam separati, illi certè levi vel nullâ egent coctione, & statim in principio purgari queunt.

8. Denique quoad *sexum*, respectu virorum, *fœminæ* facilius purgantur ut plurimum, quia & serosiores & rarioris sunt texturæ, cavendum tamen rectè præcipit *Kyperus* in mulieribus à purgantibus dulcibus, item crassis aut pingibus, etiam à longis potionibus, quia exinde sæpè incurrunt vomitum & consequenter uteri suffocationem.

Quoad *gravidas* in specie, si quæritur, an illæ purgandæ sint, elogium est *Hipp. 4. aph. 1.* prægnantes purgabis, si materia turgeat, quadrimestres, & usque ad septimum mensem, sed has parcius; minore verò aut grandiori conceptu abstinabis.

Plures obstant rationes pro negativâ: 1. cùm natura à purgante irritata insurgat ad expellendum & pharmacum & humores noxios, facile etiam hic naturæ conatus ad uterum pervenire potest, atque inde fieri, ut nisi fortius jam alligatus sit & hæret fœtus, & ipse unà extrudatur.

2. Hoc modo, *alii* addunt, fœtui subtrahi alimentum, uterum ab ingenti spirituum & humorum evacuatione turbari, acetabula dissolvi, retentricem labefactari & sic abortum sequi.

3. Periculum etiam est, ne ab assumpto purgante evacua-
tio

tio copiosius sequatur, ab eâ verò abortus, cùm intestina consensum cum utero habeant maximum, & tenesmus, deji- ciendique frequentia, teste *Hippocrate*, abortum concitet.

4. Musculi comprimentes in expulsione fecum simul comprimunt uterum & sic multis modis potest fieri abortus, uno verbo, abortum concitari à purgantibus posse, obicitur potissimum.

Omnes tamen hæ rationes possunt eludi unicâ distin- ctione; aut enim adest dispositio ad abortum in fœminâ gra- vidâ, aut non; si illud, verum est, vel cautissimè adhibenda, & lenissima, vel planè eadem esse intermittenda. Si hoc, tutò easdem purgare licet, vix enim mente concipi, nedum fando dici potest, quantum robur naturæ sit in gravidis. Hinc post- quam vidimus in dysenteriâ epidemiâ, quæ ante 6. circiter an- nos Thuringiam nostram infestabat, plures gravidas dysen- teriâ verâ correptas, licet torminibus immanibus vexarentur, & ultra 50. 60. sedes, incredibile dictu, intra 89 experirentur, evasisse tamen, neque vel mortuam ullam vel abortum pas- sam: statuimus tutò purgari posse, quæ non ad abortum dispositionem vel inclinationem habent. Et experienciâ no- tum est, meretrices fortissima etiam purgantia frustra sume- re, nullo abortu subsequente, quem intendebant.

Not. ergo in gravidis considerandum 1. robur uteri, an ad abortum prona, an ligamenta uteri firma, an facilè pur- gantibus moveantur.

1. semper tamen vitatis nimis fortibus & *degradiōis* mi- tiora danda, qualia sunt *rhabarb. cass. myrobal. manna, tamarin- di, mechoacanna & gialap.* etiam ipsa, *succus rosarum* ut & *fl. persi- cor. infusio.*

3. quoad tempus, quartus, quintus & sextus mensis, ad septimum usque, exclusivè aptissimum est tempus, primis enim imbecilliora, ultimis autem mensibus à fœtu jam gran- diore facilè rumpuntur ligamenta uteri, accedente irritatio- ne, hinc intendit quasi Hippocrates, non antea purgandam gravidam, quàm fœtus moveri cœperit, quia quando moveri incipit, tunc vincula robusta sunt.

4. turgente materia seu inutili & copiosâ existente commodè dantur; hoc modo quartanarias gravidas feliciter & citra ullam noxam purgavimus.

5. Uterus hinc roborari potest, tum externis odoriferis, vel aliis abdomini appropriatis tum internis temperatis.

Nutrices ipsæ verò commodè purgari observentur in praxi, solemus autem præcipere, nisi intentio sit ipsum infantem simul purgare, ut prius mamma præbeatur infanti, quàm assumat medicamentum.

Puerperis non nisi benedicta conveniunt, infusa uterum simul purgantia, nisi urgens causa adsit, v.g. hydrops simul cum foetu præsens, quo casu, licet cum deperditione lactis, quod hinc perit, in tempore tunc purgandum est.

Sic etiam hic not. si intestina sunt erosa vel jamdum irritata, si prolabantur ob paralyfin, non danda purgantia.

Prohibentia & contraindificantia sunt eadem, si secus habent. An ergò sit purgandum, ut suprâ jam diximus, cacochymia præsentia declarat. Quod enim indicat, indicationis executionem indicat & urget.

CAPUT III.

Differentiæ purgantium recensentur.

Materia & operatio remedii hujus non est uniusmodi, sed differt 1. *ratione virium*; alia enim purgantia sunt *mitiora, mediocria, fortiora*, ubi not. de divisione istâ in purgantia moderata & fortia, illam non inveniri apud Hippocratem, crevit autem maximè post inventa purgantia, in primis apud Arabes, qui intensiorem & remissionem inquisiverunt medicamentorum. Ab effectu igitur hoc, ac partium distantia vel vicinitate, rectè ita eadem diviserunt.

2. *ratione usus*, alia sunt *interna*, alia *externa*, quæ vel umbilico vel plantis pedum applicata purgasse leguntur, vid. Rolf. O. & M. ita & Smetius in *miscellaneis* l. 3. p. 163. refert de odore, matronam quandam cum in pharmacopolium ingressa esset,

esset, solo odore talium pharmacorum purgatam esse. Sic unguentum de athanità & alia externè hunc in finem solent adhiberi.

3. *ratione compositionis*, alia sunt *simplicia*, rhabarbarum, gialapa, alia *composita*, spec. diagalap. extr. cathol.

4. *ratione consistentie*, alia sunt *liquida*, ut potiones, decocta, senæ, rhabarb. &c. alia *solida*, ut pilulæ, aliæ alio modo se habent, de quibus in sequentibus fufius.

5. *ratione originis*, alia sunt *vegetabilia*, alia *mineralia*, alia *animalia*, licet hæc ferrè improprie, & minus usitatè.

6. *ratione humorum quos purgant*, ubi alia *cholagoga*, seu bilem ducentia, ut rhabarb. alia *plegmagoga*, ut agar. alia *melanagoga*, ut hellebor. alia *hydragoga*, ut g. g. alia *mixta*, ut galap. alia *catholica* five panchymagoga, ubi not. i. hæc proprie dici electivè purgantia, quæ scil. ad bilem, pituitam, melancholiam electa quasi & destinata sunt.

2. Catholica purgantia duplici modo dicuntur, (a) quæ indistinctè humores purgant omnes, non unum, sed plures unâ vice promiscuè, qualia in specie sunt ðialia & ðialia, unde viridia & flava confusim evacuantur.

(β) Dicuntur etiam illa, quæ non per unum locum ordinariè, sed per varia loca evacuationi dicata operantur. Sic ð modò per vomitum (non solùm alvum) per urinam, per sudorem purgat, unde si hic vel ille practicus dicatur habere medicamentum tale, ex ðio id constare credas.

Quær. autem, an dentur à totâ substantiâ & similitudine, qualem *Galenus* vocat magneticam, ut scil. magnes ferrum, ita trahat rhabarb. bilem, seu à formâ substantiali purgantia medicamenta, vel quod idem est, *an dentur electivè purgantia*? Veteres id affirmant, idque demonstrarunt non aliter, quàm à posteriori. Sic quando *Galen. l. de ther. ad Pison. c. 5.* contra Byrthinum Medicum disputat, scribit, ipsum attendere debuisse ad excreta; quando enim exhibeo v. g. rhabarbarum in ictero, tunc observatur, unum hoc medicamentum magis purgare materiam morbificam, quàm aliud, & icterum inde cessare. Si rhabarb. do, flavent excrementa, si agaricum, ma-

gis pituitosa sunt; neque obstat flavedo, quam se cum gerit, rhabbarum, gummi guttæ enim si detur, quod adhuc flavius est, flavedo in fecibus non apparebit, quia est hydragogum, à galapio serosa materia magis apparet. Sequitur ergo ex his, cum icterus à rhabarb. tollatur, magis id hanc materiam evacuare quam aliam; & si non indifferenter uno medicamento omnes humores purgantur, consequens est, dari medicamentum tale appropriatum.

Recentiores, *Waleus*, *Swalbius*, & qui fermentationem magis æstimant, negant hoc opus esse, sed sufficere 1. fermentationem, quæ omnia sursum deorsum moveat. 2. adeoque quidni à medicamento bilioso etiam alii humores purgentur? Respondent ad utrumque alii 1. natura etiam sæpè purgat non mota à medicamento, sed inde non sequitur, ergo non dantur medicamenta, ad 2. dicunt, distinguendum esse inter purgationes & hypercatharces, illæ enim non tam sunt medicamenti, seu non fiunt tam propriâ naturâ ejusdem, quam naturæ irritatæ. Notare hanc in rem ab experientia practicâ placet,

1. Omnia purgantia in genere convenire, quatenus enim purgant, necesse est dari tertium aliquod, in quo conveniant, atque hoc est irritatio.

2. In specie verò non item, sed multis modis esse diversa, alia magis sunt amara, rhabarb. aloë, colocynth. senna; alia solum acria, scammonium, galap. g.g. alia planè insipida, inodora, ut dialia, alia tenuium magis, alia crassiorum partium.

3. Non eosdem peccare humores semper in morbis, sed modò tenues, biliosos, acres, modò tenaces, crassos, viscidos, acidos, austeros.

4. Non omnia æque omnibus, sed alia aliis magis, aliis minus ex usu esse.

5. Utut enim omnia purgent, quatenus irritant, non implicat tamen id, quò minus hunc magis, illum minus purgent, seu medicamentum, v. g. quod melanagegum est, ut senna, etiam pituitosum humorem purgare potest; ideoque

6. eo sensu, ut unum solum & semper purgent humorem,
non

non concedi possunt electivè purgantia, certum tamen hoc, quod alia primariò, v. g. magis bilem, secundariò pituitam magis purgent.

Differentia etiam notanda est ratione *regionum corporis*. Veteres enim purgantia quædam purgare primam corporis regionem, ventriculum, intestina, ad gibbam usque hepatis partem; quædam secundam, hepatis partem cavam, venam cavam cum suis propaginibus; quædam tertiam seu ad habitum corporis reliquum. Licet verò hæc differentia adeò locum non habeat, nihilominus tamen gradus exprimit, & juxta *Waleum* aliter id explicari commodius potest p. 29. M. M. ut prima regio seu primæ viæ, sint ventriculus, intestina, cum vasis in & circa eadem, mesenterium, pancreas; secunda in vasis ipsis, ubi sanguis circulatur; tertia, ubi extravasatus est.

C A P U T I V.

Tempus purgantium perpendit.

UT in V. S. & aliis medicamentis duplex est tempus, vel *necessitatis, vel electionis*, ita id ipsum etiam h. l. valet. Deinde enim tempus aliud est *curationis*, aliud *præservationis*. In præservationis à morbis statu respiciendum est ad tempus anni, mensis ac diei.

Anni respectu, quando purgatio conveniat, docuit *Hippocrates 6. aph. 47.* quibus V. S. aut purgatio prodest, his vere secanda vena, aut purgatio imperanda est. Post hoc ipsum tempus autumnale quoque valet. Vernum enim tempus duplici de causa potissimum ad purgationem commodum est, tum quia humores tunc magis sunt sequaces, qui prius erant torpesci, jam in motu sunt, & à natura magis secreti, tum quia, qui imminent corpori morbi, verno maxime & autumnali tempore erumpere consueverunt, unde qui v. gr. podagricos insultus, affectus hypochondriaci symptomata ordinaria graviora, & alia antevertere vult, maturè id verno vel autumnali tempore faciat oportet, quâ ratione eadem feliciter præcavimus, & antevertimus sæpius.

C

Deinde

Deinde etiam vernum & autumnale tempus purgationi aptissimum est ob temperatam qualitatem aëris, calidus enim æstivus calor in corpore dissolutionem facit, frigus verò humorum concretionem, unde calidissimo & frigidissimo, aëris statu purgare non temere solemus, ob facilem corporis in præternaturalem statum alterationem.

Non tamen omne veris tempus temperatum est, interdum enim in nostris regionibus principium ejus adhuc nivibus scatet, interdum etiam in medio adhuc frigus durat. Eligendus itaque vel finis, qui plerumque temperatus, vel ea pars, quæ ex positu astrorum ad temperiem magis inclinatur.

Aptum est hoc tempus ad præservationem non solum, sed & curationem, unde observavimus puellas, quibus menses movendi sunt, quorum absentia negotium facessit hætenus, optimè id fieri vere, in casu tamen necessitatis quodvis tempus veris & aliud est accommodum.

Autumnus post ver primas obtinet. Si tamen æstas præcesserit sicca & nimis calida, expectandum, donec aër alteretur. In autumno, ait *Mercatus*, consultissimum est, ne ante pluviae descensum vacuationem aggrediamur, ut deponatur humorum cruditas & meatus purgatorii laxantur.

Hinc & principio æstatis, item hyeme, ubi aër quidem non nimis frigidus, purgare licet. Cavendum tamen, ut purgationem instituamus 1. *circa solstitia*, quæ cadunt in 10. vel 13. Decembr. 10. vel 13. Jun. Tempore scil. solstitiorum non benè sumuntur medicamenta.

2. *circa æquinoctia*, quæ cadunt in 10. vel 13. Martii, & in 10. vel 13. Septembris. Eo enim tempore non satis tutum, ut humores in corpore moveantur & turbentur.

3. *diebus canicularibus*, juxta 4. *aph. 5.* ubi, sub cane & ante canem, ait *Cous*, difficiles sunt purgationes. Fit hoc ab aëris caliditate & siccitate, humores evocantem foras, & turbantem, purgans verò in contrarium. Cautè igitur eo tempore purgandum. Refert tria exempla *Riverius cent. 3. obs. 5.* ardente sirio tres puerulos duorum aut trium annorum à medicis blandis purgatis medicamentis eodem die convulsos

fos periisse, quorum duo catarrho in pectus prolabente, tertius dysenteriâ laborabat. Si tamen aëris status etiam non nihil eo tempore temperatus, ut sæpius evenire solet, & ubi necessitas urget, purgare omninò licet, quod sæpius sine omni noxâ, quin cum commodo potius fecimus, in iis præsertim, qui non laborarunt febre, corpus tamen plenum vitiosis humoribus habuerunt.

Utut verò in nostro climate caniculares non omnem respuant purgationem, neque tam religiosè, ut in Græciâ attendendi sint; licet etiam tempore necessitatis minus curari cœlum debeat, nihilominus tamen non susque deque habenda est etiam astrorum in hoc ipso observatio. Neglexit quidem hæc penitus *Franciscus Bencius*, Hugonis Senensis, qui scriptis inclaruit, filius, autore *Monardo l. 2. ep. 1.* & nihil unquam cœleste observavit, sed quoties occasio urgebat, promiscuè & venæ sectionem & purgationem instituebat, magis curans lotium, quàm astrum, magis pulsus, quàm stellarum configurationem, vid. *Rolf. l. de febb. c. 85. p. 286.* at verbo, non timenda sunt astra, neque tamen penitus negligenda.

Ratione mensis ac diei videndum est porro ad aspectus Dæ potissimum, hinc & Ois. Equidem, cum purgantia omnia calida sint & corpus exsiccent, solemus præcipuè eligere signa aërea & humida seu aquea, v.g. ♄, ♀, ♁, ♃, ♄ & ♀: vitare autem sicca, inprimis ignea, ♄, ♃, ♁. Deinde quoad Dam ipsam, aliis novilunio magis purgari convenit, ut quando menses movendi sunt, aliis post plenilunium, ubi humorum abundantia adest.

Stratagema id est non vilipendendum, ut in puellis, quibus vel remoratur fluxus mensium, vel suppressus est, circa novilunium purgatio detur, tunc enim cum natura simul agit medicamentum, quæ exprimit cœlorum rhythmum. Cumque purgantia menses simul cieant, cuneus cuneo hoc modo pellitur, ut facilius prodeant.

Quoad tempus enim speciale plura problemata practica occurrunt, v.g. i. an durante fluxu mensium purgandum sit.

Dum puellam seu viduam purgare volumus, inquirendum

dum omninò est in tempus menstruæ ejusdem purgationis, ne eam ex minori malo in pejus præcipitemus, & motum naturæ turbemus. Si enim pro mensibus movendis instituitur purgatio, vel ante novilunium, vel instante tempore ordinario id faciendum est; sin minus, intermedio tempore.

Kozack libr. de ☉ p. 200. etiam in ipso fluxu purgare, ait, foeminam conducit, ut cum natura agat medicamentum, post decimum quartum diem verò, quando jam fluere desierunt, tantum clystere vel mitioribus esse agendum. Verum cum purgatio per alvum, purgationi per uterum sit contraria, & altera alteram turbet, solemus ut plurimum cessare à medicamentis, durante illo ipso fluxu; Natura enim motibus diversis uno tempore non sufficit, unde nisi necessitas imperet, fluentibus lochiis & mensibus eadem omittuntur; clysteres tamen bono cum successu adhibuimus etiam fluentibus iisdem.

2. *An in paroxysmis, v. g. febrium intermittentium, purgandum sit,* ab utraque parte dubia occurrunt.

Pro negativa enim *l. facit l. aph. 19.* quibus per circuitus accessiones contingunt, nihil dato, neque cogito.

2. Motus sunt contrarii, in paroxysmo natura humorem peccantem ad peripheriam corporis expellere satagit, unde & semper ferè sudor finito paroxysmo sequi solet, adeoque qui purgans eo tempore dare vellet, naturæ conatum turbaret, unde eligendus videtur dies ἀπορροίας.

3. *Hinc Swalb. diag. therap. s. 1. p. 35.* paroxysmi febriles, ait, excludunt omninò purgationem, ab experientiâ, omnis enim purgatio succedente feбри cessat, ejus autem cursu finito redintegratur. Hæc naturæ solertia est, declinat unius conflictum, ut alteri par sit. Observavimus ipsi hoc in tertianario, huic enim cum purgans datum esset, neque constaret, an eo die (erat verò in principio adhuc) venturus esset paroxysmus, inde purgari incepit tribus quatuorve sedibus, hinc verò cum succederet paroxysmus cum horrore & calore, interpolabatur medicamenti actio ad 12. & amplius horas, per totum sc. paroxysmum, quò cum defuncta esset natura, iterum

rum purgari incipiebat, ad perfectam usque medicamentum actionem.

Nihilominus tamen, cum experientia testetur hoc modo sæpius, non purgans modo non sufflaminatum, sed & febriles insultus coercitos fuisse: hinc notandum est

1. in diuturnis febribus instante paroxysmo purgantia exhibita plurimum prodesse;
2. apparente aliquâ, paucâ licet, coctione, ante paroxysmum sæpè commodè dantur purgantia.
3. in robustis corporibus id interdum locum habet, & necessum sæpè est, cum natura robusta sæpè sit, ut nisi dentur tempore paroxysmi, adeoque eadem nonnihil debilitetur, nihil agant. Exempla talia & observationes in hanc rem elegantissimæ videri possunt apud *Prosper. Alp. l. 4. de med. Ægypt. c. 15. Plater. l. 1. prax. p. 2. p. 163. Timeum in observ. & imprimis Craton. epist. 212. ubi Monavius p. 358. se observasse ait longissimis febribus laborantes hoc modo multò citius quàm alios liberatos, ita tamen ut medicamenti operatio absolvatur prius, quàm paroxysmus invadat.*

Ad hunc modum *Camillus de Camillis* nobilis & Medicus Genuensis pilulis suis de sagapeno principio paroxysmi adhibitis contumacissimas quartanas curavit, imò *Kozak l. c.* nil prodesse scribit purgantia, nisi ante paroxysmum dentur, cum natura tunc moveat materiam morbificam, cujus minister medicus eandem imitari debeat. vid. *Craton. l. 6.*

4. si sint simul æquantia; sic aliquoties cum fructu dedimus pulverem Comitum de Warwick, quod optimum in febribus est purgans, quia ob vim diaphoreticam egregiè præcipitat, & cum galapio misceri potest.

Aliàs ordinariè eligitur dies ἀπερξίας, ubi Itali præsertim veteres tam stricte observant quantum diem, ut eo saltem purgans detur, & contra methodum credant, si contra fiat, in quo, si diem tantum attendamus, falluntur, si coctionem quandam, qualemqualem, verum est, eo usque expectari posse.

In febribus ardentibus verò, præcipuè malignis, non so-

lemus facile dare purgans, nisi 1. statim in initio, si prægressi fuerint errores diætæ fortes, si cacochoymia magna, & alia indicantia adsint, inde enim humores maligni magis exagitantur, & sæpè alvi fluxus, natura nimis stimulatâ, periculosi excitantur cum ægri pernicie. Lenientia quidem, clysteres, & alia mitiora, pilulæ aloëticæ, infusæ lenitiva concedi queunt, sed fortiora non temerè. 2. sub declinationem, febri jam secedente, sæpè, ne recidivet, evacuatio necessario est; relictis tamen penitus viribus.

Mane hora 6. & 7. jejuno ventriculo commodissimè assumuntur electivè purgantia, ut natura commodè actioni vacare possit, neque aliis interturbetur, unde etiam totum purgationi ferè damus diem; extraordinariè tamen sæpè etiam ante cibum, vel vesperi dari possunt, quod urgente indicatione aliquoties cum fructu fecimus.

Opinio quorundam est, ante diem æstate assumenda purgantia, forsan ne æstus debilitatem adducat, cum purgantia per se nonnihil vires solvant, eo verò tempore frigidior paulo fit. Sed cum nostræ regiones tam calidæ non sint, id non adeò observandum.

CAPUT V.

Quantitatem purgantium metitur, & lenientium mentionem facit.

EX hæcenus dictis facile quantitas erui potest & determinari purgantium, idque tum à posteriori, tum à priori. Quærere enim hoc passu solemus, an aliàs jam purgârint, an facile, vel difficulter, ægri enim experienciâ edocti, informare in hoc sæpè commodè possunt Medicum.

Possunt etiam quædam axiomata ceu porismata hanc in rem notari: 1. Semper subsistendum est infra summam dosin, præstat bis repetere, quàm semel malè rem gerere.

2. Quo major est copia vitiosorum humorum, eò etiam major purgantis debet esse dosis; quò minor, eò quoque par-

3. Qui

3. Qui facile moventur tum naturâ, tum à medicamentis, mitius tractandi & contra.

4. Qui ventriculum habent debilem, minori quantitate, qui robustum, majori opus habent, hinc rustici, gregarii, milites, nautæ fortiora ferunt.

5. Qui strictioris sunt alvi, fortiora quidem postulant, non tamen sine mollientibus & humectantibus, unde non facile in hypochondriacis & aliis siccioribus melancholicis, nisi præmissis humectantibus, & cum sufficienti quantitate liquidi corporis instituere solemus purgationem, hinc etiam illis quos difficilius mobiles videmus, cum decocto prunorum calido propinamus medicamentum.

6. Rarioris texturæ non fortioribus tentandi, ne in phthisin præcipitentur.

7. Ubi non licet unâ vice, simul & semel rem absolvere, partitis id tentandum, & successivè, quod per *ἰσχυροῦς* vocant, & ut plurimum per infusa præstatur, id vero in primis valet in chronicis, lentis, hypochondriacis affectibus, obstructionibus etiam, ut quod lentè & sensim congestum est, lentè etiam educatur.

8. Quò minor est naturæ sensus, eò fortiori purgante opus est, quò major, & quò magis *καίοντες* est ventriculus, & intestina, eò minori. Hinc in apoplexiâ & affectibus soporosis, ipsaque etiam epilepsiâ, tum clysteres debent esse fortiores, tum purgantia intrò sumta, siquidem ea dare consultum sit. Tacemus jam vires, consuetudinem & alia.

Terminus ergò perfectæ purgationis quisnam sit, si quærat, Resp. i. juxta *1. aph. 23. & 25.* excreta non copiâ sunt æstimanda, sed si qualia oportet exeant, & facile ferat æger, unde si v. g. 15. 20. sedes operatum sit medicamentum, quærendum est, an cum tolerantiâ, an *ελαβὼς*, & *εφ'όπως* factæ sint.

2. Sitis est signum perfectæ purgationis, elogio *4. aph. 19.* tum ob alias rationes plures, de quibus videri potest *Galen. in comment. l. c.* tum ob humoris absorptionem, serum enim uti humorum omnium tincturas imbibit, ita præ reliquis etiam pur-

purgatur. Neque tamen id perpetuum est æquè vel absolute necessarium, præsertim in humidioribus.

Lenientia igitur uti à leniendo alvum nomen habent, ita etiam dicuntur *ἐναρπνευτικά*, quasi *stercoraria*, & quia sine molestiâ ferè alvum movent, blande ac sine virium attritione, benedicta Arabibus audiunt interpretibus, unde pil. benedictæ, benedicta laxativa & alia nomen habent.

Conveniunt lenientia duplici potissimum casu, primò, quando alvus non respondet, nec officium facit natura, ut leniter ejus admoneatur; deinde quando humores vitiosi in primis viis adsunt, neque tamen vel ob vires debiles, vel minus urgentem copiam, aliasque circumstantias per purgantia æque tolli desiderant.

Hinc de his not. 1. *non semper conveniunt lenientia*, seu ut Hippocrates loquitur, alvum quidem apertam esse in quovis morbo bonum est, non tamen semper opus est, ut primo loco & initio dentur, & præmittantur aliis, omitti enim sæpè possunt & debent, sed si quid movendum videatur, movendum quidem, non tamen semper lenientibus solis. Neque semper conveniunt ratione quantitatis continuæ, neque enim eorum quoque usus debet esse nimis creber, adeoque quotidianus, ut quidam faciunt.

2. *Lenientia quippe non differunt à purgantibus nisi gradu*, unde etiam purgantia ipsa minori dosi data fiunt lenientia, magis verò & minus non variant speciem.

3. *Hinc locum habent, ubi purgantia minus conveniunt*, & sicut purgantia incipiunt, ut sic loquar, ubi desinunt lenientia; ita hæc vicem eorundem subeunt & naturam sine molestiâ, vel aliâ graviore noxâ levant, præcipuè si alvus non succedat, vel non sufficienter, vel materia etiam simul evacuanda, leniter tamen ob vires & alia contraindicantia.

4. *Tuta sunt ergo, & naturam non tam pellunt, quàm ducunt*, dari possunt infantibus, lectulariis, puerperis, gravidis, senibus aliisque valetudinariis etiam in acutis, seu curandi seu præservandi fine, intentionem enim habent naturam blandè sollicitare, ut faciat, quæ addecer.

3. *Non sola tamen sufficiunt.* Hinc *Massaria* apud *Hoffmannum* querela, non curamus ullos magnos morbos, quia nunquam nos expeditur à lenientibus. Hoc enim casu, ubi fortiori opus est cuneo, debilia nimis sunt, movent, non promovent, unde *materia morbigica* nulla fit diminutio.

6. *Duplicia sunt, vel per os assumpta, vel per clysteres infusa.* Dantur & vomitoria, & purgantia, & clysteres leniores, utraque impendenda sunt, prout ex usu fore videatur, illa magis abstergendo & leniter stimulando, hi eodem modo agunt, & simul revellunt leniter.

7. *Modò humectantia conveniunt, modò leniter stimulantia,* hinc videndum est, ne gravent ventriculum, quæ enim lubricant nimis, ut pruna, & similia, facile eidem negotium faciunt, & conveniunt magis ficcioribus, melancholicis, hypochondriacis; quæ verò stimulant, magis humidioribus & ferofioribus,

8. *Divertunt ad alvum humores,* unde in vomitibus tum aliis, tum gravidarum insigniter profunt, corrigunt cruditates, unde in affectibus ventriculi aliis, a pepsiâ, ructibus, singultibus &c. proficua sunt, & id commodi habent, ut hinc medicamenta alia aperientia, incidentiaque commodius in usum trahi possint.

9. *Dari possunt cum cibo,* tum quod multa simul sint alimentosa, tum quia blandè operantur, nec naturam turbant, tum denique, quia hoc modo longè felicius operantur, præcipuè verò ante cœnam. Observasse se scribit *Septalius* vel millies hoc modo $\mathfrak{z}\beta$. aut etiam $\mathfrak{z}\text{ij}$. v. g. *elect. lenitivi* majorem excrementorum copiam educi, quàm si uncia & $\mathfrak{z}\text{ij}\beta$. etiam ante prandium sumatur, *l. 3. animadv. 6. p. 57.* Nobis in usu est decocta lenientia, seu infusa etiam, ante cibum dare, pilulas verò aloëticas minores, cum cibo, ità enim feliciter operantur. Clysteres verò ante cibum itidem in usum vocari consueverunt.

CAPUT VI.

Præparantia proponit.

D

Cum

Cum purgatio sit motus localis, viæ etiam requiruntur Capertæ, unde juxta *Coum*, corpora si quis purgare velit, *εὐεγα*, fluxilia illa faciat prius. Tria ergo requiruntur ad purgationem: 1. *movens*, tum medicamentum efficax, tum actum natura, quæ stimulum sentit & expulsionem hinc molitur, 2. *mobile*, seu humores dispositi, ut evacuari possint. 3. *dispositio* etiam *viarum*, per quas fieri debet excretio; viæ scilicet debent esse laxæ, patulæ atque paratæ.

Semper hæc requiruntur, & iisdem perficitur purgatio; non itaque mirandum, si purgatio aliquando ad votum non succedat. Semper enim impedimentum est in hisce tribus, & in iisdem sæpè aberrant medici & ægroti. Hinc viarum aptitudinem respiciunt lenientia, humorum dispositionem præparantia, naturæ sensum ipsa medicamenta purgantia.

Veterum illa methodus, ut hæc ordine se insequantur, est scalaris, & magis locum habet in morbis chronicis; ubi verò induciæ non dantur, ceu in acutis, eadem non utendum. Primò ordinabant leniens. 2. præparans. 3. purgans. 4. V. S. hinc diaphoretica, diuretica, alterantia. Proponitur eadem etiam in consultationibus, sed sensus tum hîc, tum in illis non est, ut absolutè eo ordine, & non alio procedendum sit, sed ut ex singulis classibus constet, & seligatur, quod præfente indicatione adhiberi possit, unde consultatio adhuc paulò generalior est, specialissima verò ipsa applicatio, sive à Medico præfente, sive per literas.

Quæstio ergo generosa est: Si vera est *Hippocratis* sententia, cocta esse medicanda seu purganda, *μὴ ὠρεὰ*, non cruda, utrum in morbis semper præparantia danda, nec ne, ubi indicantur purgantia. Rigidè hæc olim observata ab omnibus Medicis antiquis, & Hispani in primis & Itali hodiernum id maximè observant, unde, si quando ad symptomata urgentia emendanda concurrat Medicus, statim clamant sæpè, præter rationem curatum ægrum. Hinc cum aliquando Regi Iberiæ podagricis doloribus vehementer afflicto dolor mitigatus esset externo quodam exclamarunt medici cæteri, præter rationem curatum regem.

R. Distingu. si dispositi jam sint humores, separatione non indigent, quid enim opus est eosdem disponere, quæ eo non egent; sic in tertianis in primis febribus mobiles humores sponte suâ sæpè exitum quærunt. Neque necessaria est præparatio sæpè, si respiciatur ad victum, si quis est in motu, victu utitur humido, in regione calidiori degit, ut in Gallia &c. At quicumque humor non aptus est ad fluendum, ille nec ad purgandum, unde tunc eget præparatione, adeoque mens est, non quemvis humorem statim æque posse purgatione tolli, sed opus habere, ut prius ad leges naturæ & dominium propius accedat, & hinc diverso respectu antecedentia purgantium sunt præparatio, coctio atque digestio, quæ differunt quidem quoad effectum specialem, conveniunt tamen in genere, quatenus reddunt humorem evacuationi aptum. Coctio respicit quidem separationem humorum in vasis, ut ad naturæ leges propius accedant, si ita disponantur, ut faciliorem segregationem patiantur, unde coctio magis est naturæ, præparatio magis medici; hæc enim qualitatem humorum respicit ac corrigit, primas manifestas, secundas & tertias attendit, motumque vitiosum temperat & moderatur. Parratio est digestionis, quæ maturat quasi, & cum coctione partim, partim cum præparatione coincidit; licet reverà hæc communiter soleant confundi & pro iisdem haberi. Coctio magis generalior, digestio subalterna, præparatio specialis magis est.

In præparatione humorum duo respicienda: 1. humores expurgandi, 2. partes, ex quibus, & per quas vias purgatio institui debet, ubi not. veteres ferè pro digestivis & præparantibus ulos fuisse sirupis, seu, quod fermentationi humorum magis apti sint, seu quod virtutem eorum, ex quibus constant, fartam tectam servant: prius ex parte locum habet, alterum minus. Sed præstat humores in specie considerare; *pituïosi*, i. e. crassi, lenti, viscidi, tenaces, glutinosi præparantur acidis, incidentibus, amaricantibus, *atruosis* & partium tenuium, extergentibusque.

Solebant antiquitus considerare etiam pituitam v. gr.

in capite, pectore, ventriculo, quod non penitus est de nihilo.

Bilis respectu corporis est C. S. acris & mordax, tenuis, penetrans, volatilis, refrenanda diluentibus, temperantibus, obtundentibus, incrassantibus, *Πικρογαστρίκῃς*, id quod fit tum aqueis, emulsionibus, temperatis, tum π -tibus & infringentibus, terreis, acidulis &c.

Quod si verò 1. abundet, neque qualitate admodum excedat, potest & sine præparatione educi. 2. si turgeat, uti in hypochondriacis sæpe fit. Quatuor verò requiruntur, ut humor dicatur turgens, juxta *Roder. Castr. de compl. morb. c. 17. p. 75.* 1. ut concitata motu agitetur. 2. ut materia sit multa, 3. ne humor, qui movetur, ad certum aliquem locum feratur & moveatur. 4. ut malignam, id est, heterogeneam habeat naturam, nam alias in crisi instante etiam moventur humores, sed turgentes non dicuntur.

Humor melancholicus acidus, austerus eodem modo temperantibus, diluentibus seu humectantibus π -tibus aromaticis & absorbentibus fixis emendatur.

Si acris, mordicans, corrosivus fuerit, seu, si ablato magis, sero acrimoniâ Θ inâ magis tumultuetur, ac ferociat, magis humectantia & diluentia *ενεργητικῶς* profunt.

Serum ipsum, quod vel seorsim, vel cum aliis considerari potest, in se spectatum præparatione omninò non indiget, juxta communem autorum hypothefin, attamen 1. si abundet & restitet v. g. in hydrope, melius primò prospicitur debilitati viscerum, pulveribus & aliis medicamentis anticachecticis, quibus præmissis felicior fit purgatio. 2. si acre & Θ sum sit, requirit lenientia & humectantia.

Reverà itaque, ut hæc ad usum practicum applicemus, præparantia nihil aliud sunt, quàm alterantia, humorum & sanguinis qualitatibus debita, ut felicior & melior purgantis sequatur effectus, quod fit per contraria, ut si æger curandus obveniat, qui laboret cacochymiâ, cogitet Medicus, an evacuando solum illam simul & semel tollere possit, an verò solum alterando, an partim alterando, partim evacuando, hinc casu hoc ultimo præmittit debita medicamenta, ut prius alteret,

teret, & ad statum naturalem magis deducat materiam, ut obsequens magis reddita facilius evacuetur. Exemplo fit tertianarius v. g. qui biliosis humoribus scatet, de tertio in tertium diem paroxysmo corripitur, cum vomitibus biliosis, siti, & aliis symptomatibus. Intentio hinc est, bilem alterare qualitate peccantem, & quantitate delinquentem educere; hinc medicus commodè prius intendit medicamentis aqueis, ut *sero cocto*, vel *destillato*: acidis, ut *Râ violar; rhabarb.* *Θsis* aliisque, posterius verò per purgans exequitur, non neglecto interim paroxysmo.

Adeoque patet jam, præparantia i. nihil aliud esse, quàm ipsissima alterantia, ab usu hoc & respectu ad purgantia ita dicta. 2. respicere humorum præcipuè evacuandorum qualitatem & motum, ceu ipsa purgantia magis quantitatem; 3. eadem usum habere eximium, si non in omnibus morbis, religiosè ante purgantia data, neque enim semper quantitas illa tam excessiva est, tamen in illis, ubi hæc occurrunt, nullus verò morbus intemperiei, quâ talis, sine alterantibus curari potest. Patet hinc 4. cur post lenientia dederint veteres præparantia, quia viis primis leniter evacuatis, alteratio melior fit. 5. in acutis morbis, aliisque, ubi purgatio non adhibetur, adhibentur itidem præparantia, sed sub alio nomine, nempe alterantium. 6. Hinc abusu potius & consuetudine factum est, ut sirupis ferè id præstiterint veteres; alia potius id præstant, sirupi stant post principia.

Memorandum hoc loco est, quod Chimici tria digestiva universalis seu catholica ex φ parent, i. cremorem & crystallos φ ri. 2. φ rum Θ latus, 3. mixturam simplicem, seu φ rum φ ri compositum. Locum habent hæc & concedi possunt, non quidem tam promiscuo usu, sed ob usum ampliorum, quod sint polychresta, & pluribus indicationibus satisfaciant, hoc tantum notato, quod uti Θ ina omnia, ita & hæc, in primis φ rus Θ latus, minus convenient in cacochymia ferrosa, & catarrhosa, observavimus enim fluxum inde magis concitari & irritari, alias utique remedia sunt utilissima.

Adeoque finis præparantium duplex statui potest, i. al-

teratio & correctio humorum, quæ latius coctio quædam dici potest. 2. cum ante purgantia maximè dentur, ut vias patulas præbeant, humores ad motum aptos reddant, obstructionsque aperiant.

CAPUT VII.

Modus assumendi purgantia describitur.

Respicit hic partim ipsas remediorum formulas, partim ipsum assumendi actum. Quoad prius, alia internum, habent usum, alia externum. Liquidâ formâ data purgantia, omnium citissimè operantur, pilulari tardissimè, pulverum & electuaria medio modo. Communissimè in pulvere dantur, hinc & pro lubitu tum ægri, tum medici in bolo, morsulis, potione. Observavimus in morsulis ob additionem sacchari feliciter satis se gerere eadem. Pilulas ob agendi tarditatem solemus dividere, & partem ipsarum vespere antecedente, partem mane sequente propinare, insigni cum stragemate, ita enim emolliuntur magis viæ, & stratis quasi his facilis est hinc operatio. Solent etiam commodissimè in pilulis dari paulo fortiora, ita enim citra tormina aliasque incommoditates purgant. Qui vomunt item faciliè, solida sumant, & speciatim pilulas, sicciore & difficulter mobiles liquida. Sed de his sub propriis ipsarum titulis alibi dicendi dabitur occasio.

Quoad alterum verò, seu ipsum assumendi actum, notanda nobis sistimus 1. vehiculum, 2. subsequentem quietem, vel somnum quoque, 3. motum. 4. jejunium. 5. ambientis calorem. 6. quæ alia circa hæc occurrunt gerenda, facienda, vel omittenda.

Vehiculum dare solemus domesticum, jusculum v. g. calidum ac pingue, non frigidum, non acidum. Calida enim matutino præsertim tempore stomacho sunt gratiora, & citius operantur, acidula verò medicamento sunt contraria.

Quæstio h. l. oritur non levis, an medicamenta purgantia
danda

danda cum cibo seu alimentis? Sunt, qui affirmant, & cum cibis eadem concedunt, ac inter prandendum vel cœnandum propinant, additis rationibus: 1. quod palato hoc modo inserviat. 2. blandiora h. m. fiant purgantia ac mitiora, unde præter auctoritatem *Hippocratis*, quam eruere volunt ex *l. 2. de rat. vict. acut. t. 11. & 12.* *Aëtius* scribit *tetrab. 1. serm. 3. c. 57.* in cibo medicamentum esse optimum iis, qui natura alvum habent adstrictam, fortassis & iis, qui ex morbo se colligunt, & qui ex diuturno morbo laborant.

Pro negat. facit 1. quia heterogenea sunt utraque, & adeo medicamenti vis à cibo obtunderetur, & 2. cibus ipse corrumpetur coctione impedita, finem enim esse diversum, verbo, aliud esse alimentum, aliud medicamentum. Res tamen eò redit & conciliari potest, i. electivè purgantia prandio vel cœnæ dosi ordinariâ admiscere indifferenter tutum non est. 1. in debilibus, ubi siccitas est alvi, omninò cum alimentis dari possunt, in primis laxantibus & emollientibus simul. 3. in modicâ dosi, & 4. quæ non adeo fortia sunt, sed magis blanda & naturæ amica. Facit enim hoc ad facilitiorem dissolutionem purgationum, ob fermentationem & resolutionem, quam unâ subit cibus. Sic pilulæ aloëticæ, angelicæ seu benedictæ dictæ, in parvâ dosi commodè ante cœnam seu initio cœnæ sumuntur.

Postquam assumptum jam est intra corpus medicamentum, suadere solemus, ut per dimidiam circiter horam, dextro æger incumbat lateri, ut eò citius è ventriculo egrediatur medicamenti energia. Sed an & superdormire licet assumpto purgante? Suadent quidam somnum, ut eò melius in actum deducatur, atque in halitus dissolvatur.

Et notabile est 1. ab assumptis purgantibus, resinosisque præsertim, somnolentiam quandam subsequi solere. 2. sæpè videmus etiam in somno moveri alvum, unde qui pilulas sumunt, per somnum sæpè stimulantur ad reddendam alvum. Variæ aliàs hæc de re exstant autorum opiniones, quatenus alii somnum concedunt & suadent, assumptis fortioribus purgantibus, debili verò id negant. Alii, si venenosum & vehe-

vehemens nimis fuerit medicamentum, ut scammoniata ple-
raque, & quæ helleboro & similibus constant, super ea mini-
mè dormiendum esse volunt, cum metus sit, ne à somno in-
trorsum revocato calore eorum noxia qualitas ad membra,
nobilis & partes principes mittatur, venenumque latè disse-
minetur, & à lenientibus assumptis potius dormire conce-
dunt. Alii tantum à pilulis dormiendum censent, à liquidis
verò & infusis ac potionibus, cum faciliè distribuuntur, vigi-
landum potius.

Statuimus, nihil ob stare, quin somnus à sumpto pur-
gante omninò concedi possit, mitior quidem à fortiori, ma-
ior à leniori adhibito, uti enim certum est, obtundi vim for-
tiorum placido modicoque somno, ita leniora eodem non
impediuntur, sed morâ hâc sensim & sensim stimulando hinc
alvum sollicitant.

Motus hinc convenit. Quando scil. medicamentum jam
operari incipit, corpus ambulatione leviter & leniter moven-
dum. Elegans hanc in rem est locus *Hippocratis 4. aph. 14.* epo-
to helleboro, motu ciendum corpus potius, quàm somno &
motus vacuitate compescendum, nam corpora motu cieri
vel ipsa indicat navigatio.

Motu enim leni fluxiles magis redduntur humores, &
calor magis operatur, & descendunt magis humores.

Uti verò vitâ sedentariâ seu quiete omnimodâ, præci-
puè, si aliò etiam ventriculi calor vertatur per studia, occu-
pationesque alias sufflaminatur purgantis actio; ita nimius
motus faciliè hypercatharsin ciet, cujus rei aliquando exem-
plum in duobus contubernalibus vidimus. Horum alter for-
tiori purgante sumpto, studiis hinc vacans & claudi sutoris
instar desidens nullam experiebatur sedem; alter verò leniori
purgante sumpto, fortius motus, scalas cursitando ascendens
& descendens, ad hypercatharsin usque purgabatur.

Jejunio porrò actio purgantis promovenda, neque
tamen debilitandum corpus. Non solemus tamen strictam
diætam præcipere, ut promiscuè jejunent, præcipuè qui vali-
da medicamenta assumerunt; imò quidam non prius pur-
gantur

gantur, teste experiētiâ, quàm comedant, præcipuè ficciores.

Quidam ab assumpto purgante ad horas 4. quidam ad 6. jejunium imperant. Quidam tamdiu jejunandum esse autumant, donec operatio planè cessaverit. Et in chronicorum morborum curatione, in quibus totalis abstinētia non adeò infesta est, quemadmodum in acutis, die purgationis prandium detrahēre planè antiquos consuevisse, ex eo manifestum fit, quia in diætâ, ægris tenendâ eo die, prandii nullam mentionem faciunt, exactè tamen & figillatim, quid cœnandum sit, præscribunt, ut videre est apud *Hippocratem*, l. de morb. mul. & de affect.

Sufficit ad horas tres circiter à cibo abstinere, & hinc, si operatum interim fuerit, si minus, juscūlo uti ac vesci, ut promoveatur magis medicamenti actio, & vires sufficiant.

Sunt, qui aliquot horis post assumptum medicamentum juscūla abstergentia ac sorbitiones abluentes exhibere solent. Et certum est, ubi morsiones sentiuntur, & laboriosa est eductio, convenire hæc talia, magis tamen vehiculi & lubricationis fine, neque obstat, quod *Fuchsius* l. 1. paradox. c. 8. hanc consuetudinem vituperare videatur. Sin vomitus simul cieat medicamentum, magis adhuc eadem conveniunt; deinde etiam, quod diximus, in ficcioribus, ex quo patet, in pituitosis minus eadem locum habere.

Tangemus etiam hâc occasione, quomodo cibandum die purgationis. R. in prandio paullo tenuius, ovum sorbibile, juscūlum, carnes teneræ, & alia εὐπεπτα assumenda; in cœnâ paullo largius, neutro verò tempore superflue. Valet enim & hoc loco, corpora impura, quò magis nutriveris, eò magis læseris. *Hippocratis* ipsius hoc institutum fuit, ut, dum evacuationes fiunt, æger tenuius nutriatur.

Sumendus verò cibus εὐπεπτος, abstinendumque ab acidis, stypticis, refrigerantibus, pinguioribus, fructibus crudis, flatulentis & similibus.

Observavimus aliquoties à piscibus, vino Hispanico,
E legu-

leguminibus, item ab irâ, terrore & aliis similibus tormina, hypercatharſes ac alia mala sæpè orta fuiſſe.

Quæritur an vino ſit utendum? Reſp. Neg. vim quippe medicamento ſiſtit, niſi hoc ipſum intendamus, & natura valdè debilis roboranda; vinum calidius in vaſa tunc hauſtum, sæpè febrim excitat.

Purgans ambiente calido aere degat. Adſumptis in primis fortioribus caput, manus, pedes ac in primis venter à frigidiori aëre probè muniendi, ne tormina ventris & alia ſymptomata excitentur, quæ eò facilius ingruunt, quò magis omnia ſunt in motu, & corpus ad recipiendam indiſpoſitionem, quamvis aptius. Non ſudandum tamen à purgante adſumpto, ne vis ejusdem turbetur atque impediatur, ſunt quippe motus contrarii. Tempore hyemali extra hypocaustum non ſecedere melius fuerit.

Purgatio ergò, ſi hoc modo ritè habeat, non temerè ſiſtenda eſt, præſertim in cacochymicis, ne humores commoti ad partem quandam ruant. Natura enim motus duos contrarios etiam hoc paſſu difficulter fert. Exemplum tale conſignatum eſt apud *Salmuth. cent. 1. obſ. 33.* ubi Comes Manſfeldiæ ſumpto purgante, cùm ad Electorem Brandenburgicum vocaretur, ceram ventri impoſuiſſe ſcribitur, ne ſedibus in itinere, quod eques faciebat, occuparetur, inde verò materia à medicamento mota ad crus delata fuit, ibique inflammationem excitavit, ſubſequentem mox gangrænâ & ſphacelo.

Conſequentia purgantium etiam ſpectanda, naufea, operatio ceſſans & ſuperflua. Naufea retundenda. Certum eſt quidem, sæpè à purgantibus, licet id non intendant, moveri vomitus præſertim in bilioſis, ubi materia *à v.* tendit, & quò vergit, eò à naturâ ducitur; aſt ſi id prohibere conſultum ſit, ac naufea, uti sæpè ſit, negotium exhibeat, conveniunt odorata vel impoſita externa, v. g. cepa admorſa, ovum gulæ impoſitum, circumjectum collo linteamẽ, teſte *Schwalb. D. Th. l. c. p. 53.* odoratus panis toſti; optimè verò omnium id præſtant acida, v. g. ✕ odoratum. Non incommodum tamen eſt, vomitum etiam lenem ſequi. Commendant quidam cucurbi-

curbitulam umbilico appositam, revellendi fine, aut interci-
piendæ ejus, quæ ad ventriculum tendit, materiæ, sed eo non
opus est.

Pigrities purgantium leniter stimulanda. Quid agen-
dum, si non operetur, si quæratur, præter motum à *Coo* com-
mendatum, jusculi haustum, & reliqua jam dicta, non sole-
mus ceu cuneum cuneo superaddere, novo purgante desu-
per hausto, sed tantum lenientibus id promovere, v. g. *pitul.*
aloet. elix. propriet. paullo largiori dosi, *Râ* F *ri*, *cremore*, *crystal-*
lis ejusdem, aut F O *to* (Θ ia enim optimè id promovent) vel
si res urgeat, clystere, suppositorio.

Quidam nudis pedibus deambulare ægrum jubent, ve-
rum id & cautè agendum, neque æque locum habere potest;
quis enim id ægris præceperit? Quod si verò frustranea sint
omnia, aliquot diebus post denuò præmissis humectantibus
& aperitivis repeti cum stimulo paulo auctum medicamen-
tum potest.

Hoc loco illorum ridenda est opinio, qui putant, si pur-
gans assumptum non operetur, verti id ipsum in venenum,
& multa exinde sibi timent pericula, cum enim debilius fue-
rit, quàm ut naturam stimulaverit, multo minus in venenum
seu pejorem qualitatem degenerabit.

Hypercatharsis maturè sistenda. Terminus purgantis
est *Ἐφελία*, si talia exeant, quæ non lædunt vires, qualia si
ultrò manarent, bono esset, juxta *4. aph. 2. & 3.* Sin ultra natu-
ræ & virium sphaeram, inhibenda est medicamenti actio, unde
ex iplo nomine patet, quod hypercatharsis sit excretio super
vel ultra vitiosos humores, humorum alimentariorum, utili-
um, sanguinis, ipsorumque humorum.

Præstat verò sistere hunc fluxum, tum confortantibus
internis & externis, tum narcoticis. Confortantia profunt
aromatica stomachica, *n. m.*, *cydoniata*, ∇ *mentha c. v.* ∇ *cinam.*
c. v. cydoniata, *it. laudanum opiatum*, *magist. anodyn. c. corall. &*
ebore.

Nullum verò præsentius vidimus remedium, quàm *the-*
riacalia; prodest enim tum theriaca ipsa recens, ad quam ceu

ad sacram anchoram solemus confugere in tali casu, quia adhuc vires opii in eâ se exerunt, tum aqua & essentia theriacalis.

Quod si purgationem insequatur lipothymia, ceu quandoque in debilibus & ad eam dispositis, præcipuè fœminis, contingit, ob commotionem humorum & fermentationem, analeptics & aq. apoplect. ~ tuosis reficiendus est æger interne & externe; dari etiam possunt absorbentia cum vel sine opiatis accisâ dosi.

Sin febris subsequatur, quod nonnunquam accidere consuevit, factâ nimîâ seri evacuatione, mixtura simplex, acidula potui indita, & ~ tantia profunt, non omisso potu, ut sensim sanguini suus restituatur tonus, hoc enim pacto ultra unum alterumque diem non durabit, quod aliquoties observavimus.

A purgatione etiam ventriculus roborandus quandoque jusculis ~u Ølt, vel Râ rosar. violar. acidulis, cum mace. Quidam regionem ventriculi o N. M. inungere jubent. Solent quoque à quibusdam altero die ad ventriculum aliasque partes roborandas præscribi boli, vid. Riv. inst.

Cumque ordinariè post purgationem alvus segnior esse soleat per 2. 3. & plures dies, cibis humectantibus, ut pomis Borsdorff. cum passul. prunis &c. vel o amygd. d. & similibus in ordinem redigenda.

CAPUT VIII.

In quibus affectibus purgatio conveniat, paucis delibet.

Cùm ergò usus & finis purgantium sit cacochymiam è toto educere, eximiè profunt & conveniunt i. in affectibus infimi ventris, dolore mesenterii, obstructione ejusdem, ut & lienis, hepatis, affectu hypochondriaco, scorbuto, hydrope, in quo audacia empiricorum sæpè ulterius progreditur, quàm ipsi medici, unde leguntur h. m. restituti sæpè hydropici. Utilissima sunt in vermibus, unde statuimus, purgantia esse optima anthelmintica; unde quæ leguntur observationes secretorum vermium

mium miræ longitudinis vel magnitudinis, ex omnes, aut saltem pleræque præstitæ sunt purgantibus scil. propriè dictis.

Dolores colici etiam icterum jam procudentes felicissimè sæpè tolluntur purgante, quo de videri potest locus elegantissimus apud *Rolfincium dissert. de Ferro c. 2.* qui ipse hoc modo sæpius ab ictero hoc symptomatico fuit liberatus.

In *doloribus iliatis* nihil præstantius invenimus purgatione, ita enim materia impacta intestinorum tunicis optimè educitur. Hinc non solum clysteres emollientes & stimulantés eo casu optimè conducunt, verum etiam ipsa per os assumpta purgantia, præcipuè, ob *εὐεμεσίαν*, pilulari formâ, cujus rei notabile exemplum annotavimus *ann. II. Ephemer. Germ. obs. 238.*

Notandum hoc loco, purgantibus quoque addi *narcotica*, v. g. laudanum opiatum, ubi scil. indicatio est evacuandi humores & dolores tollendi. Valet id potissimum in *colicis* & *iliatis*, tum quia hi purgantia sæpe ægrè retinent, tum, quia refractâ dosi opiata non suffaminant operationem purgantis medicamenti, sed juvant, & simul dolores sedant, unde roborata natura fortius insurgit ad exturbandam materiam vitiosam. Exempla talia & observationes videri queunt apud *River. Thonerum* & alios. Imò, si opiata præmissa vomendi assiduum conatum prius sedaverint, hinc purgans datum feliciter scybala ab infarctu expedit.

Homorrhoides cient obstructas, & nimis fluentes sistunt purgantia, illud vi aperiente, stimulante & acri, v. g. aloëtica, scammoniata; hoc per accidens, sublatis biliosis acribus humoribus.

Menses ducunt purgantia, tum per se, tum præmissis aperientibus & humectantibus, ut sæpè ipso purgationis die redeant. Sin verò nec humores ad hoc dispositi, nec viæ liberæ fuerint, parum opis ab iisdem percipere licet.

In *affectionibus rerum*, vesicæ & penis itidem se commendant, præsentē tamen calculo in renibus vel vesicâ fortiora vitanda sunt. Observavimus etiam in *gonorrhœâ* purgantia exhibita (loquimur non de lenioribus demulcentibus, pul-

pā cassiæ &c.) ut plurimum fluxum adauxisse ; unde temperantia potius danda ; vel licet videatur augeri fluxus inde, præsentē indicatione, roboratis tamen de hinc partibus magis cedit malum.

Notandum enim est, purgantia stimulare partes genitales, & præterea per accidens quoque ciere, ob viciniam vesicularum seminalium & intestini recti, qualia exempla occurrunt apud *Platerum* & alios.

In *medii ventris affectibus* itidem se commendant, ut *asthmate* & *respiratione difficili*, in *phthisi* & *hæmptysi* blandæ quoque purgationes locum habent è *rhabarb. cassiâ*, & similibus ; fortiores verò exulent. Præservativè etiam his quàm maximè conveniunt, quo de videri meretur *Galen. 6. aph. com. 47.*

In *pleuritide* etiam & *peripneumoniâ* absint ; Malè enim cessasse purgantia hisce ab empiricis inconsultò propinata, experientia demonstravit ; in *palpitatione cordis* conveniunt.

In *cerebri, oculorum, aurium, palati, dentium*, imò ipsius *linguæ affectibus* summo cum fructu offeruntur eadem. Præcipuè in *melancholicis* apprimè profunt, unde observavit *Galen. l. c.* quendam singulis annis incidisse in melancholiam, nisi purgatus fuerit, sensisse quin imò statim ejus accessum, & simul ac purgati fuissent humores atri, protinus cessasse melancholiam. In *maniâ, vertigine* idem valet.

Ophthalmiam tum incipientem, tum inveteratam creberrimè vel unicâ purgatione sanavimus ; vidimus etiam utilissimè eadem adhibita in cœcitatibus metu & humorum ad oculos affluxu & visus debilitate.

Odontalgiam item contumacem sæpissimè funditus everti posse purgante fortiori notavimus.

Sic & in omnibus impuritatibus sanguinis & cutis deturpationibus, *scabie, leprâ, cancro* incipiente, *ulceribus antiquis* & similibus optimè se gerunt, quo de totus agit *aph. loc. cit.*

Quàm maximè etiam profunt in *podagrâ*, unde *Solander* purgationes, ait, omni quidem arthritidi, sed pituitosæ maximè conveniunt. Hinc sæpè nullius remedii evidē-

dentio rem perspiciunt utilitatem arthritici, præcipuè etiam
arthritide vagâ laborantes. Celebre exemplum *Bayerus*
præbet, qui electuario suo caryocostino se
sæpius & ferè unicè liberavit.

T A N T U M.



Quæ benè fœcunda nunc mandas semina terræ,
Olim, *MI FOURI*, commoda multa ferant.

*Ita ex animo, properante quidem
calamo, precor*

RUDOLPH-WILHELMUS Krauß /
Phil. & Med. D. P. P.

Est opus eximium, si noris condere purgans,
si vomitum, si sudores lotiumque movere.
Ast satis esse nego, cum tonsor, agyrta, sacerdos,
ac anus id norint itidem: Præstantior usus
artificem morbi decet, ut quibus addecet unus,
quantum, quo melius, quo tempore, suadeat uti.
Tu veræ insistis methodo, ridesq; medentum
per mortes hominum mores; hinc auguror olim
Te medicum celebrem fortunatumq; futurum.
Non meritus Tibi deêrit honos, & divite cornu,
sponsor ero, modò sic pergas, fortuna sequetur.

*Pereximio Dn. Respondenti, Auditori suo pio,
modesto, solerti, successus studiorum
invidendos exoptat*

PRÆSES.

Phar-

PHarmaca quid valeant , quid sint , quî denique
profint ,

succinctâ methodo differis atque probas.

Auguror hinc , FOU RI , benè si perrexeris ultra ,
pharmaca ut hæc certè dona latura fient !

*Præximo Dno Respondenti de conatibus
laudabilibus gratulor*

AUGUSTINUS HENRICUS FASCHIUS, D.

Anatom. Chirurg. & Botanic. Prof. Publ.

Archiater Ducalis Saxonicus.

Coeptum nã pulchrum, quod si pertexeris ire ,
Te quò virtutum Sacra Corona vocat.

Perge igitur, DE FOURE , ita laus tibi maxima surgat ,
Sic tua perpetuò fama superstes erit.

Auguror, haud Patriæ existes inglorius Urbi ,
Virtutisq; tuæ pulchra tropæa feres.

*Præximo atque Doctissimo Dn. Respondenti, Inqui-
lino suo per dilecto, mente & manu ita
suum testatur amorem*

M. JOHANN. BRENDL, S.M.C.S.

IBone ! quò Tua Te virtus vocat , i pede fausto ,
Fervidus hicce labor præmia grata dabit.

Currenti calcar subdo , pia vota precesque ,
Jungens , ista DEUS , cuncta beare velit !

*Præstantissimo atque Exoptatissimo Dn. Conterraneo ,
ut unico ita charissimo, pauca hæc Pyladeo pol-
lice deproperare voluit ac debuit*

P. C. ZAUNSCHLIFFERUS, L. L. Stud.

F I N I S.